



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
Općinsko pravobranilaštvo
Općine Tešanj i Doboj Jug**

Broj: 09-08-9-UP-01/13.

Datum: 11.03.2013. godine

**OPĆINSKO VIJEĆE
TEŠANJ**

PREDMET: Izvještaj o radu za period 01.01.2012 – 31.12.2012. godine, dostavlja se.-

UVODNE NAPOMENE:

Općinsko pravobranilaštvo osnovano je Odlukom Općinskog vijeća općine Tešanj, broj: 01-08-741/01 od 23.04.2001. godine na osnovu odredaba člana 1. i 41. Zakona o pravobranilaštvu («Sl. novine ZDK», broj: 6/98 i 2/05).

Odlukom o osnivanju zajedničkog Općinskog pravobranilaštva općina Tešanj i Doboj Jug („Sl. glasnik Općine Tešanj“, broj: 1/09) osnovano je zajedničko Općinsko pravobranilaštvo općina Tešanj i Doboj Jug u svrhu pravne zaštite imovine i imovinskih interesa lokalne samouprave sa sjedištem u zgradi općinske administracije Općine Tešanj.

Općinsko pravobranilaštvo općine Tešanj i Doboj Jug čine tri uposlena, Općinski pravobranilac, zamjenik pravobranioca i viši referent za administrativno-tehničke poslove.

Zamjenik općinskog pravobranioca imenovan je na 32. sjednici Općinskog vijeća Tešanj održanoj dana, 22.09.2011. godine.

Općinsko pravobranilaštvo je poseban samostalan općinski organ, koji podrazumijeva neovisnu i samostalnu državnu instituciju ili organ koji poslove iz svoje nadležnosti obavlja u skladu sa ustavom i zakonima. U okviru svojih djelatnosti isključivo je nadležno za poduzimanje mjera i radnji pravne zaštite državne imovine i imovinskih interesa.

Općinski pravobranilac predstavlja ovaj organ, rukovodi njegovim radom, utvrđuje unutrašnju organizaciju i ima zasebnu pisarnicu i arhivu.

Zamjenik općinskog pravobranioca obavlja poslove iz djelokruga pravobranilaštva koje mu odredi pravobranilac a u postupcima pred sudovima ima ista ovlaštenja kao i pravobranilac.

Općinsko pravobranilaštvo poduzima pravne radnje i pravna sredstva radi zaštite imovine i imovinskih interesa općine pred sudovima i drugim nadležnim organima i kad je za to ovlašteno zakonom.

U vršenju pravnih radnji i pravnih sredstava i u drugim slučajevima kada je po zakonu ovlašteno, Općinsko pravobranilaštvo ima položaj i pravo stranke u postupku i kao takvo je ovlašteno u ime općine koju zastupa poduzimati sve radnje koje poduzima stranka u postupku.

PREGLED AKTIVNOSTI ZA 2012. GODINU:

U 2012. godini u radu Općinskog pravobranilaštva općina Tešanj evidentirano je ukupno 269 predmeta, od kojih je 12 preventivno djelovanje (Pn), 133 izvršnih (I), 50 upravnih (U), 16 parničnih (P), 20 mišljenja (M), ostali - razni 27 (R), te 11 predmeta UP – interni.

Iz prethodnih godina preneseno je ukupno 1216 predmeta iz čega se može zaključiti da je ukupno u izvještajnom periodu u radu bilo 1485 predmeta.

U izvještajnom periodu je okončano ukupno 607 (726) predmeta dok je u radu, kao neriješeni, koji su u postupku kod nadležnih službi i sudova ostalo 878 predmet.

Tabelarni pregled predmeta u radu, riješenih predmeta i predmeta u postupku rješavanja kod nadležnih sudova i službi u periodu od 01.01.2012. do 31.12.2012. godine po vrstama.

VRSTA PREDMETA	Preneseno iz prethod. godina	Pokrenuto u 2012. god.	Ukupno u radu	Riješeni u 2012. god.	U radu	Realizacija %
«Pn» prethodno	0	12	12	12	0	100 %
«I» izvršenja	1050	133	1183	414	769	34 %
«U» upravni post.	99	50	149	102	47	68 %
«P» parnice	67	16	83	25	58	30 %
«M» mišljenja	0	20	20	18	2	90 %
«R» ostali predmeti	0	27	27	26	1	96 %
«UP» uprava prav.	0	11	11	11	0	100 %
«OS» otkupi stanova	0	0	0	0	0	0
SVEUKUPNO:	1216	269	1485	607	878	41 %

Kako je vidljivo iz priložene tabele najveći broj neriješenih predmeta je iz oblasti izvršnih postupaka, a koji se odnose na naplatu naknada za korištenje gradskog građevinskog zemljišta, naknade Fonda za vatrogastvo, korištenje taxi stajališta, izvršenja ugovora o zakupu i izvršenje pravosnažnih presuda.

Kod prijedloga za prinudno izvršenje putem nadležnog suda problem predstavljaju statusne promjene obveznika plaćanja ovih naknada, koje su izvršene nakon izdavanja rješenja o visini naknade, a koje izdavaocu rješenja nisu poznate, te izvršene promjene prebivališta i boravišta izvršenika kao i vlasnika i korisnika prostora za koje je naknada određena, a koje nisu registrovane, što utiče na dužinu i ishod samog izvršnog postupka, pa često i na njegovu obustavu. Napominjemo da su obveznici izvršenja dužni da nadležni organ obavijeste o svim nastalim statusnim promjenama a što se gotovo nikada ne čini.

Donesena rješenja o izvršenju se veoma teško realizuju iz razloga što su računi pravnih lica često blokirani, a takođe se pokazalo da su u praksi neuspješni i izvršni postupci naplate popisom, procjenom i prodajom pokretnih stvari izvršenika, u kojim situacijama, ukoliko nije moguće odrediti novo sredstvo izvršenja, izvršni postupak se shodno Zakonu o izvršnom postupku obustavlja kao što je već naglašeno pod rubrikom „Izvršni postupak“.

Kao i do sada na broj neriješenih predmeta u parničnom postupku najveći utjecaj ima broj prenesenih predmeta iz ranijih godina. Činjenica je da se još uvijek neki sporovi vode i po više godina, bez obzira na izmjenu Zakona o parničnom postupku i određivanja preciznijih i kraćih rokova sudskog postupka, međutim zbog preopterećenosti sudova i samog broja predmeta, još uvijek nije moguće očekivati brzo rješavanje svih predmeta iz ranijih godina, a što je napomenuto i apostrofirano i u samoj Informaciji o radu Općinskog suda Tešanj za 2012. godinu.

I - PREVENTIVNO DJELOVANJE

Preventivno djelovanje predstavlja jednu od značajnih aktivnosti Pravobranilaštva i usmjereno je na sprječavanje nastanka povrede imovinskih prava subjekta čije interese Pravobranilaštvo zastupa, odnosno usmjerena je na smanjenje vrste i obima tih povreda, zatim na sporazumno rješavanje spornih imovinsko-pravnih odnosa, kad je to moguće i pravno osnovano.

Pravobranilaštvo poduzima i druge preventivne radnje i mjere koje utiču na smanjenje štetnih posljedica po državnu imovinu, izbjegavanje nepotrebnih sudskih postupaka i troškova, te bržeg ostvarivanja nespornih prava subjekata koje zastupa.

Preventivno djelovanje ogleda se i u velikom broju urgencija (95) koje su upućene općinskim i kantonalnim sudovima, organima i organizacijam, fizičkim i pravnim licima, a najveći broj isti odnosi se na predmete izvršnog i parničnog postupka, gdje je Općinsko pravobranilaštvo aktivna stranka u istima. U smislu izbjegavanja sudskih i drugih postupaka ovaj organ je nebrojeno puta urgencijama prema sudovima, mjesnim zajednicama i drugim učesnicima u postupku, nastojao da mirnim putem, sporazumima i pregovorima suprotnih strana te usaglašavanjem njihovim interesa izbjegne dugotrajne sudske i upravne postupke.

II - IZVRŠNI POSTUPAK

U izvještajnom periodu pokrenuta su ukupno 133 prijedloga za prinudno izvršenje. Iz prethodnih godina preneseno je 1050 predmeta, tako da je u protekloj godini bilo u radu ukupno **1183** predmeta, od čega je riješeno 414 (533), a 769 predmeta nalazi se u postupku kod nadležnih sudova.

U izvještajnom periodu riješeno je 414 izvršnih predmeta u 2012. godini i to:

1. Riješena **267** predmeta za dugovanja za korištenje gradskog građevinskog zemljišta
 - ukupna vrijednost sporova je iznosila 9.674,30 KM,
 - naplata izvršena u 164 predmeta u ukupnom iznosu od 9.248,24 KM (glavni dug 6.981,50 KM, kamata 1.541,74 KM, troškovi postupka 725,00 KM),
 - naplata nije izvršena u 26 predmeta što ukupno iznosi 2.692,80 KM (nepoznata adresa, stranka umrla itd.).
2. Riješena **126** predmeta za naplatu duga za Fond vatrogastva,
 - ukupna vrijednost sporova je iznosila 6.957,00 KM,
 - naplata izvršena u 27 predmeta u ukupnom iznosu od 6.975,31 KM (glavni dug 5.838,89 KM, kamata 1.106,42 KM i troškovi postupka 30 KM),
 - naplata nije izvršena u 9 predmeta u ukupnom iznosu 1.118,00 KM (nepoznata adresa, ugašeno preduzeće, stranka umrla itd.).
3. Riješen **21** predmet za naplatu duga po osnovu zakupa, pozajmica, taxi, asfaltiranje i dr.
 - ukupna vrijednost sporova je iznosila 22.635,00 KM,,
 - naplata izvršena u 10 predmeta u ukupnom iznosu od 5.860,40 KM (glavni dug 4.338,00 KM, kamata 1.472,40 KM i troškovi 50,00 KM),
 - naplata nije izvršena u 10 predmeta što ukupno iznosi 22.107,80 KM.

Pored navedenog, u sklopu izvršenja u izvještajnom periodu vršena je naplata u ratama dugovanja po osnovu odobrenih kreditnih sredstava Općine fizičkim licima iz ranijih godina u četiri predmeta od čega je jedan okončan, tako da je 2012. godine naplaćen ukupni iznos od 2.250,00 KM. Ovakva naplata dugovanja u preostalim predmetima (3) trajat će i u narednom periodu, sve do konačnog izmirenja duga.

Tabelarni pregled riješenih izvršnih predmeta u 2012. godini (finansijski pokazatelji):

Dugovanja po osnovu	Ukupno riješenih predmeta	Ukupan iznos potraživanja KM	Naplaćeno glavni dug KM	Naplaćeno kamate KM	Naplaćeni troškovi postupka KM	Nije naplaćeno KM
Renta	267	9.674,30	6.981,50	1.541,74	725	2.692,80
Vatrogastvo	126	6.957,00	5.838,89	1.106,42	30	1.119,11
Ostalo	21	22.635,00	4.338,00	1.472,40	50	18.297,00
Ukupno	413	39.266,30	17.158,39	4.120,56	805,00	22.107,91
Naplata u ratama (kredit.sr.)	4 1 završen (3 nastav.)	gl. dug 4.540 z.kam. 4.488,52 tr.post. 225	2.120,00	125,00	10,00	gl. dug 2.420 z.kam. 4.363,52 tr.post. 215
Svega	-	48.519,82	19.278,39	4.245,56	815,00	29.106,43
Troškovi postupka	1	-	-	-	- 314,00 (plaćeni)	
Sveukupno naplaćeno u 2012 godini			19.278,39 + 4.245,56 + 501,00 = 24.024,95 KM			

U 2012. godini po osnovu Fonda vatrogastva pokrenute su 4 tužbe u ukupnom iznosu od 1.608,90 KM. MZ Raduša je svojim dopisom broj: 08-7-95/12 od 29.05.2012. godine tražila obustavu izvršnih postupaka koji su pokrenuti u 2000. godini protiv dužnika koji nisu izmirili dugovanja po osnovu Ugovora o sanaciji lokalne putne

mreže – asfaltiranje lokalnih puteva zaključenih 1999. godine obzirom da je MZ izmirila dugovanja prema izvođaču radova a postupci naplate duga traju duže od 10 godine i ne daju rezultate.

Stoga je ovaj organ Općinskom sudu u Tešnju uputio **ponovno** obavještenje o povlačenju prijedloga za izvršenje za 21 dužnika MZ Raduša koji nisu izmirili dugovanja i predmeti stoje na čekanju rješenja nadležnog suda.

Mjesna zajednica Šije dostavila je zahtjev za izvršenje pravosnažnih presuda po osnovu duga za korištenje vode sa mjesnog vodovoda za 2 izvršenika.

Vezano za predmete «I» izvršenja, osim navedenih riješenih predmeta u 2012. godini (414), postoji veći broj predmeta (119), za koje su odrađene sve potrebne aktivnosti Općinskog pravobranilaštva i izvršeno izmirenje duga u cijelosti tokom 2011. i 2012. godine, tako da se još samo čeka konačno rješenje Suda, kako bi i formalno bili riješeni i time okončani.

Tabelarni pregled broja takvih predmeta na dan 31.12.2012. godine:

GODINA	Broj predmeta za koje se čeka konačno rješenje Suda
2000	20
2007	2
2008	10
2009	20
2010	10
2011	18
2012	39
SVEUKUPNO:	119

Ako se ranije navedenim riješenim predmetima «I» izvršenja (414) pridodaju gore pomenuti predmeti (119) nastaje realnija slika realizacije predmeta izvršenja u Općinskom pravobranilaštvu.

VRSTA PREDMETA	Preneseno iz prethod. godine	Pokrenuto u 2012. god.	Ukupno u radu	Riješeni u 2012. god.	U radu	Realizacija %
«I» izvršenja	1050	133	1183	533	769	45 %

Upućene su urgencije za postupanje, prigovori na rješenja o izvršenju, prijedlozi za nastavak postupka, kao i prijedlozi za promjenu sredstva izvršenja.

U povodu svega gore navedenog potrebno je navesti da Općinsko pravobranilaštvo poduzima sve radnje u cilju zaštite imovinsko-pravnih interesa Općine i u 2012. godini pri čemu bi se samo dotakli činjenice da je u decembru 2011. godine došlo do uplata kod 91 predmeta, međutim iste nismo mogli staviti u zbir okončanih predmeta iz razloga što se čeka sudsko rješenje o završetku istih. Iznosi naplaćeni po istim uobzireni su u predloženi iznosima.

Ovi predmeti kao završeni moći će se pojaviti tek u izvještajnom periodu za 2013. godinu.

III – UPRAVNI POSTUPAK

Predmeti upravnog rješavanja su po rasporedu poslova bili dodijeljeni zamjeniku Općinskog pravobranioca. U periodu 01.01-31.12.2012. godine kod Općinskog pravobranilaštva u radu su bila ukupno 149 predmeta iz oblasti upravnog rješavanja, od tog broja je iz prethodnih godina preneseno 99 predmeta kao nezavršeni, a 50 predmeta je otvoreno u toku 2012 godine. U istom vremenskom razdoblju okončana su ukupno 102 predmeta, od kojih 30 koji su otvoreni u 2012. godini dok se preostali okončani predmeti vode iz ranijih godina. Kao pokazatelj povećanih aktivnosti u ovoj oblasti od strane Općinskog pravobranilaštva je i komparativni pokazatelj u smislu činjenice da je u toku 2011. godine ukupan broj riješenih predmeta bio 53.

U toku rješavanja gore navedenih predmeta Općinsko pravobranilaštvo je učestvovalo u **84** usmene rasprave od kojih se većina odvijala na licu mjesta-teren.

U rješavanju upravnih predmeta ovaj organ je učestvovao u svojstvu stranke pred općinskim organima uprave i to pred Službom za katastar, urbanizam i imovinsko-pravne odnose općine od kojih se najveći dio odnosi na predmete vezane za:

- Dodjele neizgrađenog gradskog građevinskog zemljišta na korištenje radi građenja u čijim postupcima je ovaj organ dao mišljenje o provedenoj proceduri koja prethodi donošenju rješenja o dodjeli, uspostava predašnjeg stanja u Zemljišnim knjigama, utvrđivanja raznih prava na gradskom građevinskom zemljištu (određivanja zemljišta za redovnu upotrebu objekata, dodjela zemljišta za izgradnju sportsko-rekreacionih terena, šehidska spomen obilježja, grobalja i dr.), ispravke upisa i dr.
- Postupci vezani za eksproprijaciju nekretnina, preuzimanja neizgrađenog građevinskog zemljišta u svrhu privođenja zemljišta trajnoj namjeni, te postupci za utvrđivanje uzurpacije državne imovine.

U izvještajnom periodu evidentirana su **4** nova postupaka za raspravljane imovinskih odnosa nastalih uzurpacijom, a koji se odnose na uzurpaciju putnog pojasa obalnog područja zemljišta i šume, odnosno zemljišta u državnoj svojini. Prijavu su podnosili kako građani tako i zainteresirane mjesne zajednice.

Pored navedenih predmeta iz imovinsko-pravne oblasti, određeni broj predmeta odnosio se na postupke eksproprijacije radi izgradnje lokalnih puteva i vodovoda od kojih posebno ističemo Projekat RP „Gliništa“ na kojem je u ovoj godini nastavljena započeta aktivnost na rješavanju imovinsko pravnih odnosa na izgradnji putne infrastrukture u okviru RP „Gilnište“. U 2012. godini otvorena su i dva nova projekta i to Raskrsnica u Jelahu te proširenja vodozahvata izgradnjom bunara u MZ Miljanovci u kojim je postupak eksproprijacije okončan u 2012. godini.

VRSTA PREDMETA	Preneseni prethodne godine	Pokrenuto u 2012.	Ukupno u radu	Riješeno	U radu	Usmene rasprave -teren
«U» upravni postupci	99	50	149	102	47	84

IV - PARNIČNI POSTUPAK

U 2012. godini pokrenuto je ukupno 16 parničnih postupaka, od kojih je 6 po osnovu dugovanja, 1 po osnovu bespovratnih grand sredstava radi poticaja, zakupnine i Fonda vatrogastva, 1 radi naknade štete 1 radi utvrđivanja prava vlasništva, gdje je Općina tužena.

Po tužbama je postupano u redovnom parničnom postupku u smislu obaveze davanja odgovora na tužbu, kao i ulaganja žalbe kada je to bilo potrebno.

Ukupna visina tužbenih zahtjeva iznosi 35.551,99 KM, gdje je tužilac Općina, osim po tužbi za utvrđivanje prava vlasništva gdje je vrijednost spora 5.000,00 KM, a gdje se Općina pojavljuje u ulozi tužene.

Postupci po ovim tužbama su u toku pred nadležnim sudovima

Postupci iz ranijih godina:

Iz ranijih godine u toku je 5 postupaka gdje se Općina pojavljuje u ulozi tužioca. Ovdje se radi o tužbama za naknadu štete radi nekvalitetno izvršenih radova i kašnjenja od strane izvođača radova, firmi koje su angažovane putem javnih tendera.

Pri tome smo uočili slijedeće:

Pored nekvalitetno urađenih radova od strane izvođača, uočena je i slaba kontrola nadzora naročito sa višeg nivoa, te sporo reagovanje usljed neizvršavanje ugovornih obaveza.

Trebalo bi se na tenderima gdje ponovo učestvuju ovakvi izvođači povesti računa prilikom izbora.

Da bi se izbjegle ubuduće ovakve pojave u ovoj godini svi ugovori koje sklapa Općina ove i druge vrste prolazi kroz kontrolu ovog organa, kao i davanje mišljenja prije zaključenja ugovora u kome je ugovorna strana Općina, a radi se o državnoj imovini u skladu sa kantonalnim Zakonom o pravobranilaštvu.

Ukupna visina potraživanja Općine kao tužioca po tužbama iznosi 279.514,56 KM

Izuzev postupka tužitelja Općina Tešanj protiv „Ingrap“ d.o.o. Tešanj radi naknade štete, v.s. 140.147,18 KM gdje je donesena Presuda kojom je Općini Tešanj dosuđeno 115.881,98 KM zajedno sa zakonskom zateznom kamatom počev od 12.11.2008.godine, gdje se čeka pravosnažnost presude, svi ostali predmeti su u toku pred nadležnim sudovima.

Postupci u kojima je tužena Općina Tešanj, u toku je sedam predmeta koji se vode po tužbi četiri fizička lica i dva po tužbi pravnih lica po osnovu naknade štete i jedan predmet za utvrđivanje prava vlasništva.

Ukupna visina potraživanja po tužbama protiv općine Tešanj po osnovu naknade štete je 125.369,90 KM.

Radi lakšeg uvida u kretanje i stanje parničnih predmeta, dajemo tabelarni prikaz broja predmeta po godinama i finansijskim pokazateljima za 2012. godinu:

Tabelarni pregled parničnih predmeta:

VRSTA PREDMETA	Preneseno iz prethodnih godina	Pokrenuto u 2012. god.	Ukupno u radu	Riješeni u 2012. god.	U radu	Realizacija %
«P» parnice	67	16	83	25	58	30 %

Tabelarni pregled riješenih parničnih predmeta u 2012. godini:

Dug po osnovu	Ukupno riješenih predmeta u 2012	Dosuđeno Tužiocu (Općini) KM	Naplaćeno glavni dug KM	Naplaćeno kamate KM	Troškovi postupka KM	Nije naplaćeno KM	Dosuđeno Tužiocu (protiv Općine) KM
«P» parnice	25	18.720,83	8.977,53	-	480,00	9.743,30	2 tužbe povučene 2 tužbe odbijene 0,00

Tabelarni pregled riješenih parničnih predmeta u 2012 godini:

GODINA	Predmeti riješeni u 2012. godini	TUŽILAC - TUŽENI				
		OPĆINA TUŽILAC	OPĆINA TUŽENI	TUŽILAC MZ	TUŽENA MZ	Eksproprijacija
1992	1	-	Dobilo OP 1	-	-	-
1998	1	-	Dobilo OP 1	-	-	-
2000	1	-	Povuč. tužba 1	-	-	-
2001	2	Dobilo OP 1	-	-	Prekid 1	-
2002	1	-	Dobilo OP 1	-	-	-
2003	1	-	Dobilo OP 1	-	-	-
2004	1	Dobilo OP 1	-	-	-	-
2007	1	-	-	-	Izgubila MZ 1	-
2008	2	Dobilo OP 1	Odbačena tužba 1	-	-	-
2009	2	Dobilo OP 1	Odbačena tužba 1	-	-	-
2010	5	Dobilo OP 3	-	Prekid 1	Izgubila MZ 1	-
2011	3	Dobilo OP 2	-	Dobila MZ 1	-	-
2012	4	-	Povučena tužba 1	Dobila MZ 2	-	1
	25	9	8	4	3	1

Od ukupno riješenih 25 predmeta u 2012. godini 23 predmeta je presuđeno u korist Općine, dva izgubila spor (tužbe protiv MZ), pa je tako realizacija po tužbama u korist Općine iznosila 92%.

Tabelarni pregled ostalih parničnih predmeta u radu, po godinama:

GODINA	Broj predmeta u radu	TUŽILAC - TUŽENI				
		OPĆINA TUŽILAC	OPĆINA TUŽENI	TUŽILAC MZ	TUŽENA MZ	Eksproprijacija
1989	1	-	-	-	1	-
1991	1	1	-	-	-	-
1998	2	1	-	1	-	-
1999	1	-	-	1	-	-
2000	2	-	1	1	-	-
2002	1	1	-	(1)	-	(1)
2003	1	-	1	-	-	-
2006	1	-	-	-	1	-
2007	1	-	1	-	-	-
2008	2	1	-	1	-	-
2009	9	5	4	-	-	-
2010	7	-	5	1	1	-
2011	5	2	2	1	-	-
2012	16	7	2	3	1	3
SVEU KUPNO:	50	18	16	9	4	3

V – PRAVNA MIŠLJENJA

Pravobranilaštvo je pružilo stručnu pomoć organima i pravnim licima u rješavanju imovinsko pravnih pitanja i dalo mišljenja u vezi zaključenih ugovora imovinsko pravne prirode, općinskih organa i organizacija, javnih preduzeća (JP "RAD", JP "Toplana" i JU „Veterinarska stanica“).

Naime gore navedeni organi i pravna lica su dužna pribaviti mišljenja općinskog pravobranilaštva prije zaključivanja ugovora o kupoprodaji, zamjeni, zakupu, prijenosu na trajno i privremeno korištenje stvari uz naknadu, ugovor o koncesiji, ugovor o građenju i udruživanju sredstava za građenje i ostali ugovori kojima se pribavljaju stvari ili raspolaze o stvarima ili materijalnim pravima u državnom vlasništvu, a sve u cilju zaštite imovinsko-pravnih interesa državne imovine, u smislu člana 15. kantonalnog Zakona o pravobranilaštvu.

U 2012. godini dato je ukupno 18 mišljenja.

Učestvovalo se aktivno i u realizaciji projekata „Musala“, „Katanga“, objekta „Muftijin konak“ kao i na projektu RP „Glinište“.

Zaključeni su sporazumi o isplati dugovanja i to po osnovu kamata sa „FAD“ Jelah te je u toku zaključenje sporazuma sa „Napredak“ d.d. Tešanj o isplati dugovanja a sve po osnovu pravosnažnih sudskih presuda.

VI - OSTALI PREDMETI I AKTIVNOSTI

Upisnik R Predmeti se odnose na evidencije dostavljene iz Zemljišno-knjižnog ureda Općinskog suda u Tešnju, Općinskog vijeća i mjesnih zajednica. U toku izvještajnog perioda u navedeni upisnik upisano je ukupno 27 predmeta i svi su okončani, osim jednog predmeta čije okončanje se očekuje uskoro (saglasnost za legalizaciju objekata). Prenesenih predmeta iz prethodne godine nije bilo.

VRSTA PREDMETA	Preneseno iz prethod. godina	Pokrenuto u 2012. god.	Ukupno u radu	Riješeni u 2012. god.	U radu	Realizacija %
«R» ostali predmeti	0	27	27	26	1	96 %

U 2012. godini u okviru ostalih predmeta "R" urađeno je sljedeće:

Po pitanju realizacije pravosnažnih presuda u korist općine zaključeni su Sporazumi o isplati dugovanja po pravosnažnim presudama i to:

- sa jednim fizičkm licem je po osnovu sudske presude gdje je isplaćeno dugovanje u iznosu od 40,00 KM,
- preduzeće "FAD" d.d. Jelah izmirilo je dugovanje po osnovu kamate iznos od 44.440,39 KM,
- preduzeće "Napredak" d.d. Tešanj je otpočelo sa otplatom glavnog duga uplatom prve rate u iznosu od 5.000,00 KM, prema sporazumu iz 2012. godine, što će se nastaviti i narednih godina.

Iz navedenog je vidljivo da je Općina Tešanj u toku 2012. godine po ovom osnovu naplatila ukupno **49.480,00 KM**.

U **upisnik UP** upisuju se predmeti koji se odnose na upravu pravobranilaštva. U izvještajnom periodu evidentirano je 11 predmeta i svi su završeni.

U **upisniku „OS“** koji se odnose na otkup stanova nije bilo evidentiranih zahtjeva.

Tabelarni pregled NAPLAĆENIH novčanih sredstava po svim vrstama predmeta u 2012. godini:

VRSTA PREDMETA	NAPLAĆENO U 2012. GODINI KM
«I» - izvršenja	24.024,95
«P» - parnice	8.977,53
«R» - ostali predmeti	49.480,00
SVEUKUPNO:	82.482,48

DOSTAVLJENO:

1. Općinsko vijeće,
2. Općinski načelnik,
3. a/a

OPĆINSKI PRAVOBRANILAC

Nedžada Agić, dipl. pravnik